
Байрам тухфаси: ТИББИЁТЧИЛАРГА ЯНГИ АВТОМАШИНАЛАР

Бош қомусимиз қабул қилинганининг йигирма беш йиллик байрами арафасида вилоят соғлиқни сақлаш бошқармаси тасарруфидаги тез тиббий ёрдам муассасаларига 12 та “Хундай” русумли махсус жиҳозланган реанимацион автомашиналар тантанали равишда топширилди.

Қувонарлиси, биргина жорий йилнинг ўзида тиббиёт соҳасидаги ислохотлар самараси сифатида вилоятдаги тез тиббий ёрдам тизимига 158 та янги санитар автотранспортлари келтирилди. Замонавий автомашиналарнинг 117 таси республика бюджети маблағлари ҳамда 11 таси “Саломатлик-3” лойиҳаси доирасида таъминланди. Вилоят ҳокими фармойиши асосида эса 2 млрд. 120 млн. сўмга яқин маҳаллий бюджет маблағлари эвазига тиббиёт муассасаларига 41 та “Дамас” автомашиналари ажратилди.

– Сўх, Ўзбекистон, Бағдод, Тошлоқ, Риштон ва Учкўприк туманлари, Фарғона шаҳри ва махсус маслаҳат бригадасига мазкур автомашиналарнинг топширилиши чинакам байрам тухфаси бўлди, дейди жамият саломатлиги ва соғлиқни ташкил этиш илмий тадқиқот институти вилоят ҳудудий бўлинмаси директори М. Акбаров.

Нодира РАҲМОНҚУЛОВА.

Суратни Муқимжон ҚОДИРОВ олган.

2017-12-12 12:19:57